

領軍往獫狁月猪于廣德山因日暮欲止宿其寺住持僧出坐
大門鳴鐘聚僧名之以盜賊結縛品官打其足掌無所忌憚若
儒生打僧則雖內需司牒報自 上信之不疑僧而打儒雖宰
相臺諫言之亦不信聽 上之所為無非右僧抑儒之事僧徒
其何不熾盛乎○兩司再啓李芑事不允○夜月暈

甲戌 上御朝夕講

史臣曰嗚呼三代以下人主接士大夫之處只在於經筵賢
人君子欲進所學於其君者亦舍此而何求今也進講之官
講句讀一遍更無一語 上亦漠然不聞何恠乎後世人主
之德不古若哉

傳于政院曰京中飢民賑恤事令該曹依前例為之

史臣曰人君有愛民之誠然後民蒙其實惠依前例一語是
徒屑屑於節目之末恐非先王發政施仁之意也

兩司再啓李芑事不允○夜艮方南方坤方如火氣

乙亥 上御晝夕講○兩司再啓李芑事不允